



Broj: 03-14- 4475 /09
Sarajevo, 15.06.2009. godine

O B J A Š N J E N J E
U VEZI SA IZRADOM I PREDAJOM
POLUGODIŠNJEG FINANSIJSKOG IZVJEŠTAJA
ZA RAČUNOVODSTVENI PERIOD I – VI 2009. GODINE

Finansijski izvještaji o uspješnosti poslovanja pravnih osoba – polugodišnji obračun u Federaciji Bosne i Hercegovine za period I – VI 2009. godine, sastavljaju se i podnose u skladu sa odredbama Zakona o računovodstvu i reviziji u Federaciji Bosni i Hercegovini („Službene novine Federacije BiH“, broj 32/05) i Međunarodnim računovodstvenim standardima IAS i Međunarodnim standardima finansijskog izvještavanja (IFRS). U skladu s tim, pravne osobe sastavljaju finansijske izvještaje za period I-VI 2009. godine i iste predaju Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar, zaključno dana 31. jula 2009. godine.

U vezi sa sastavljanjem, predajom, kontrolom i obradom finansijskih izvještaja o polugodišnjem obračunu za period I – VI 2009. godine, Federalno ministarstvo finansija-Federalno ministarstvo financija daje slijedeće objašnjenje:

1. Na osnovu člana 13. stav 7. Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj 32/05) pravna lica koja imaju javnu odgovornost na teritoriji Federacije Bosne i Hercegovine dužna su da do 31. jula 2009. godine predaju Polugodišnji izvještaj, odnosno sumarni finansijski izvještaj za šestomjesečni računovodstveni period.

2. Na osnovu preporuke Komisije za računovodstvo i reviziju Bosne i Hercegovine, akt broj: 53/07 od 14.06.2007. godine, pravna lica registrovana za obavljanje privredne djelatnosti na teritoriji Federacije Bosne i Hercegovine, i to: privredna društva (preduzeća), banke, društva za osiguranje i reosiguranje, investicioni, uzajamni, privatizacioni i drugi profitno orijentisani fondovi, neprofitni fondovi i zaklade i udruženja-udruge, također bi trebala da do 31. jula 2009. godine predaju Polugodišnji izvještaj, odnosno sumarni finansijski izvještaj za šestomjesečni računovodstveni period.

3. Obveznici iz tač. 1. i 2. ovog Objašnjenja, Polugodišnji izvještaj, odnosno sumarni finansijski izvještaj za period od I - VI 2009. godine, predaju Agenciji za finansije, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar (u daljnjem tekstu: Agencije AFIP i FIP), prema sjedištu pravnog lica.

4. Obveznici iz tačke 1. ovog objašnjenja podnose Polugodišnji finansijski izvještaj na šemama na kojima su te izvještaje predavali za posljednji obračunski period (godišnji finansijski izvještaj za 2008.g.).

5. Obveznici iz tačke 1. i obveznici iz tačke 2. ovog objašnjenja, Polugodišnji finansijski izvještaj za period I - VI 2009. godine predaju na šemama koje su objavljene u prilogu Rješenja o usklađenosti šema na kojima se podnose finansijski izvještaji sa Zakonom o računovodstvu i reviziji u Federaciji Bosne i Hercegovine, („Službene novine Federacije BiH“, br. 82/06 i 3/07) za izvještajni period I – VI 2009. godine i to:

- Bilans stanja na dan 30.06.2009. godine;
- Bilans uspjeha za period 01.01. do 30.06.2009. godine;
- Izvještaj o gotovinskim tokovima;
- Izvještaj o promjenama u kapitalu;
- Račun dobiti i gubitka na dan 30.06.2009. godine;
- Bilješke uz finansijske izvještaje.

6. Uz navedene finansijske izvještaje i računovodstvene iskaze, a radi praćenja kretanja podataka o visini plaća u Federaciji Bosne i Hercegovine, obveznici iz tač. 1. i 2. ovog objašnjenja obavezno predaju i posebni obrazac o visini plaća, čiji je naziv:

- Posebni podaci o plaćama i broju zaposlenih.

7. Obveznici iz tač. 1. i 2. ovog objašnjenja, obavezno predaju i popunjene obrasce propisane posebnim zakonskim propisima, i to:

- «TZ» Obračun članarina turističkim zajednicama, obrazac propisan odredbama Zakona o turističkim zajednicama i promicanju turizma u Federaciji Bosne i Hercegovine («Službene novine Federacije BiH», br. 19/96 i 28/03), Uredbom o članarinama i turističkim zajednicama («Službene novine Federacije BiH», br. 38/03 i 34/04), Pravilnikom o obliku i sadržaju obrasca za uplatu članarine turističkim zajednicama («Službene novine Federacije BiH», broj 50/03).

- Pravne osobe iz tačke 1. ovog objašnjenja, koje knjigovodstvenu evidenciju vode po kontnom planu za preduzeća, obavezno predaju i Izvještaj o obračunatim i uplaćenim vodnim naknadama, obrazac «OVN» koje se plaćaju u skladu sa Zakonom o vodama („Službene novine federacije BiH“, broj 70/06) i Pravilnik o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada («Službene novine Federacije BiH», broj 92/07).

- Pravne osobe iz tačke 1. ovog objašnjenja koje knjigovodstvenu evidenciju vode po kontnom planu za preduzeća, obavezno predaju i Obračun

naknada za eksploataciju šuma i ostalih prihoda, obrazac «ONS» u skladu sa odredbama Zakona o šumama («Službene novine Federacije BiH», br. 20/02 i 29/03).

Obveznici iz tač. 1. i 2. ovog objašnjenja obavezno predaju i Izvještaj o obračunatoj i uplaćenju posebnoj naknadi za zaštitu od prirodnih i drugih nesreća, obrazac „ZS“, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća («Službene novine Federacije BiH»; br. 39/03 i 22/06) i Uputstva o načinu obračunavanja i uplati posebne naknade za zaštitu od prirodnih i drugih nesreća («Službene novine Federacije BiH», broj 81/06).

8. Posebni podaci, odnosno obrasci: «TZ» Obračun članarina turističkim zajednicama, «OVN» Obračun posebnih vodoprivrednih naknada, «OŠN» Obračun naknada za eksploataciju šuma i „ZS“ – Izvještaj o obračunatoj i uplaćenju posebnoj naknadi za zaštitu od prirodnih i drugih nesreća, predaju se zajedno sa finansijskim izvještajima, Agencijama iz tačke 2. ovog objašnjenja, a ustupit će se nadležnim institucijama koje će koristiti podatke u svrhu utvrđivanja i izračunavanja zajedničkih ekonomskih pokazatelja za potrebe privrede u Federaciji Bosne i Hercegovine.

9. Finansijski izvještaji o uspješnosti poslovanja pravnih subjekata za period I - VI 2009. godine i posebni podaci popunjavat će se u konvertibilnim markama (KM), u apsolutnim iznosima, bez decimala.

10. Obveznici iz tač. 1. i 2. Polugodišnje finansijske izvještaje, računovodstvene iskaze i posebne obrasce predavat će nadležnoj Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar, prema sjedištu pravne osobe.

11. Prijem i obradu Polugodišnjih finansijskih izvještaja, računovodstvenih iskaza i posebnih podataka o polugodišnjem obračunu za period I – VI 2009. godine vršit će Agencije iz tačke 10. ovog objašnjenja prema Standardnoj klasifikaciji djelatnosti, i na računovodstvenim iskazima koje odgovaraju potrebama obveznika, u smislu načina vođenja knjigovodstvene evidencije.

12. Za navedeni obračunski period ne sastavlja se i ne predaje Porezni bilans.

13. Svi obveznici predaje Polugodišnjeg finansijskog izvještaja, računovodstvenih iskaza i posebnih podataka za obračunski period I – VI 2009. godine dužni su da se pridržavaju ovog objašnjenja.

MINISTAR

Vjekoslav Bevanda

CO:

1. Agencija za finansijske, informatičke i posredničke usluge d.d. Sarajevo
2. Agencija za pružanje finansijskih, informatičkih i posredničkih usluga d.d. Mostar
3. Porezna uprava Federacije BiH,
4. Savez računovođa , revizora i finansijskih radnika Federacije Bosne i Hercegovine